

völligem Gebrauch haben) in die Kirchen nehmen/ vnd solches also Gott dem Allmechtigen treulich befehlen.

Vnd so viel hab ich/ in dieser neuen Edition, von den Hebammen notwendig herzu sehen müssen / damit sie einen rechten gründtlichen vnterricht erlangen/ vnd ihre thumbkühnheit/ damit etliche schwanger gehen/ vnd viel Mutter vnd Kind auß freuel vnd vnwissenheit verseumen/ endern vnd einstellen möchten. Wer sich nu hier auß bessern vnd vnterrichten lassen wil/ (wie denn die Obrigkeit darauff fleissige aussicht haben solte/ das es also geschehe) dem ist nicht vbel von mir gerahen worden.

Das XXIII. Capittel.

Partum allevantia.

Womit man die harte Geburt fördern vnd leichtern sol.

Der Mutterhals zu enge wehr/ vnd sich nicht öffnen wolte/ sol man alsbald bey der hand oder in vorraht haben / ein Wasserbadt / darinnen Pappeln/ Camillen/ Leinsaat vnd foenum græcum gesotten sein/ die Gebeererin darein setzen/ vnd darnach die Hüfften vnd Seiten mit Rosenöhl vnd Biolenöhl salben / die Knie starck reiben/ sie sanfft in dem Gemache hin vnd her leiten/ vnd etwas/ das die Frucht treibet/ wie jeko allerley mittel erzehlet werden sollen/ ihr eingeben. Der fürtreffliche weitberümbte Andernacus lobet Krausemünken vnd Vermutpuluer / jedes ein halb quintlin / mit Oxysacchara (ist in der Apoteken ein Zuckersafft mit Essig gekochet) vermischet. Vnd ich hab/ nach dem ich

das